



15. juli 2019

Inatsisartunut suleriaatsimi § 37 imm. 1 naapertorlugu, Naalakkersuisunut apeqquteqaatit uku saqqummiuppakka.

**Naalakkersuisunut apeqquteqaat:**

**1. Tusagassiuutitigut Peqqinnissaqarfimmi aqutsisut paasissutissiissutigaa, kommunimi kigutileriffiit meeqqat kigutaanik narlorissaaneq unitsissagaat. Naalakkersuisut Peqqinnissaqarfimmi aqutsisunit aalajangerneq meeqqat kigutaanik narlorissaaneq kommunimi kigutileriffiit unitsinnisaannut isumaqataappat?**

**2. Peqqinnissaqarfiup iluani sipaarutaasinnaasunik nassaarsiorniornermik aalangerneq peqquteqarpa, aningaasat sipaarutaassut tamakku taava sumut atortussanngorlugit inniminnerneqassappat?**

**3. Peqqinnissaqarfimmi aqutsisut aningaasata atoriaannaat piumasaminnut atorsinnaatitaavaat?**

**4. Naalakkersuisut qulaani aalajangikkamut isumaqataasimagunik, meeqqat assigiinngitsuliorfigineqannginnisaat Naalakkersuisut qanoq qulakkiissavaat, pissutigalugu kigutininik narlorissaaneq namminersortuni angajoqqaat ilaannit akissaqartinneqanngimmat?**

**5. Naalakkersuit qulakkeerusuppaat sipaarutit aningaasat atoriaannanngortut meeqqamut tutsinneqarsinnaanerit, taamaalilluni pisortanik akilerneqassasoq kigutilerisuni namminersortuni kigutininik narlorissaaneq?**

**6. Tamanna pillugu Naalakkersuisut allamik soqutigisaqarunik tamanna paasissutissiissutigisinnaavaat?**  
(Steen Lyngé, Demokraatit sinnerlugit Inatsisartuni ilaasortaq)

**Peqqut**

Isornarluinnarpoq meeqqat kigutaasa narlorissartinneqarsinnaanerisa periarfissaanik mattussinerup Peqqinnissaqarfiup aqutsisunit salliutitsineq. Uffa meeqqat pisinnaasakilliornermi pingaartinneqartussaasut malittarisassat atuutut malillugit.

Taamak aalajangerneq meeqqanik assigiinngissitsinermik pilersitsivoq, angajoqqaanit tamanit kigutininik narlorissaaneq kigutilerisuni namminersortuni pisoq akissaqartinneqanngimmat.

Kalaallit Nunaanni kigutigissaaneq pillugu ilisimatitsissut Naalakkersuisunit malinneqassappat, taava Naalakkersuisut Peqqinnissaqarfimmi aqutsisut piumaffigissavaat allatut tulleriarinissaat imaluunniit aaqjiissutissanik allanik nassaassasut. Allatut iliornerup ilagisinnaavaa kigutit nakorsaanit namminersortunik suleqateqarneq, kigutininik narlorissaanermik inernilik taamaattoq.



**DEMOKRAATIT**  
DEMOKRATERNE

Imaassinnaavoq Naalackersuisut Peqqinnissaqarfiup aqutsisuisa namminersorlutik susassaqtut meeqqat kigutaanik narlorissaanermik aaqqiineq pillugu suleqateqarnermik isumaqatigiissuteqarneq piumasarissagaat, imaluunniit, aamma Naalackersuisut aaqqissuussinermik sulissuteqarneq isumagisariaqaraat, taamaalillutik aningaasat atoriaannaat katsorsakkamut, tassa meeqqap kigutaanik narlorissaanermut atorneqarnissaat pissammat.

Apeqquteqaatima akissutissaannut qilanaarpunga ulluinnaat qulit iluanni piumaartussamut.